

大覺普濟能仁玉琳秀國師語錄卷第三 幾三

嗣法門人行岳編

小參一

晚參師拈柱杖云我此山中一物也無石頭大的大小的小內外諸人每日出坡三兩度驀有個漢出來道和尚前言不應後語但向他道非汝境界顧左右云若也會得許你不較一粒米大盃喫飯不挂一纏絲終日著衣若也不會不是逐色隨聲即落解脱深坑大衆到者裏切須仔細良久

卓柱杖云參

晚參師拈柱杖云當初龐居士到百尺竿頭將謂見過於人開口便道不與萬法爲侶者是什麼人幸而其時諸方有人若遇如今狐狼野干之屬盲引衆盲見有百尺

竿頭坐的便道你已死了須透祖師機緣方是死中得活便教人胡穿亂鑿今日透者一則明日透那一則若恁麼豈不見笑一時遺臭萬世討甚蓋天蓋地好龐老耶然而也是當人肯入作家爐鞴肯求大手眼人鍛鍊始得你看龐居士見石頭問不與萬法爲侶者是什麼人頭驀掩其口於此有個會處慚惶不少未到大休大歇田地到江西馬大師處仍舊問云不與萬法爲侶者是什麼人馬大師蹋向前一步云待汝一口吸盡西江水方與汝道龐居士到者裏方纔命根子卒地折爆地斷放開窮肚皮海納百川七縱八橫千通萬達高步大方發一言令人不敢正耳聽著立一行令人不敢正眼視著師召衆云馬大師

進那一步諸人還見到也未若也見到方
可與山僧柱杖子相見若未見到豈可衲

子不如他俗人有麼有麼募豎柱杖云吸
盡西江且止只如山僧柱杖子作麼生吞
良久卓杖云劍爲不平離寶匣藥因救病

卷三

二

出金鉢擲杖出堂

十五夜小參舉僧問趙州如何是祖師西
來意州云庭前柏樹子師云報恩則不然
有人問如何是祖師西來意但向道今夜
一輪滿清光何處無

何是密室七通八達如何是密室中人長
的長矮的矮且道與古人是同是別喝

喝卓柱杖一下

仲春晚參師云古者道靈雲見處不在桃
華上且道他見處作麼生衆無語師云正
卷三
所謂如將名品果子殼也去了核也去了
送人口邊人不解喫

小參師云山僧不指路頭一任諸人瞎闖
諸人若也瞎闖得勇猛不顧危亡得失盡
力闖將去蓦然撞著峭壁巉巖磕破腦殼
則一回知痛癢也未可知問諸人瞎闖則
不問磕破腦殼時如何師云又慚惶又好

笑問磕破腦殼則不問爲甚又慚惶又好
笑師云非汝境界

小參舉眉州黃龍禪師僧問如何是密室
龍曰斫不開曰如何是密室中人龍曰非
男女相師云古人恁麼道山僧則不然如

斯提持今時人聞舉著向上一路末後牢
關未嘗不商量浩浩地如說藥人真藥現
前都不能識淵明云平疇交遠風良苗亦
懷新東坡云非古之耦耕植杖者不能道
非吾世農不知此語之妙吾於趙州亦云

少間煩峰西堂對衆拈出

晚參問答不錄師云早間森首座領衆請
法山僧道鐘動喫齋召衆云木包方外細
徹毫端帆正晴湘衡開九面出家兒造次
顛沛不離衣鉢之側端能與露柱同披一
領袈裟與山僧同一鉢盂烹饗也未此間
一草一木同證圓明胡爲有人自疑自別
損法財滅功德莫不繇茲心意識誠哉是
言也台山南岱宗北殊天異域之賓咸與
山僧晨香暮燈共分寥寂胡爲有人咫尺

關山只爲分明極翻令所得遲不大可哀
乎昔日少林面壁二祖趨風寒庭立雪沒
膝齊腰何等心骨鼻祖尚訶爲輕心慢心
徒勞無益斷臂安心出羣得髓瞻彼前修
豈同裨販打一拂云精金百鍊自光瑩藥

永從教誇耀冶

晚參問某甲閑楞嚴至七處微心有個會
處師云咄此非汝心作麼生會進云某甲
無心師云敲人矢橛不是好狗問光陰如
箭日月如梭如何了生脫死師云莫厚顏
師乃云莫謂無心云是道無心猶隔一重
關又有道說甚一重直是千重萬重既然
如是畢竟如何明心見性良久云山僧昨
在報恩示衆云古之天地日月猶今之天
地日月天地日月無古今之異禪道佛法

亦不應有古今之分爲甚麼古之知識千

百世之下凜凜常在人目前後之知識當
世現在每淹淹如九泉下人古之學者一
面瞽地耀古輝今之學者今日有些會
處明日卷三有些會處及乎生死到來依舊手

忙脚亂蓋道無同異同異在人今之發心
未嘗不如古人參究未嘗不如古人刻苦
未嘗不如古人用心到無用心處亦未嘗
不如古人但古人到無用心處決不望崖
而退百尺竿頭更能進步所以道懸崖撒
手自肯承當絕後再甦歎君不得今人到
千峰絕頂不惟不進步反退轉身來云吾
已死而得活了以了不可得爲究竟以擎
拳豎指爲透祖師關盡是懸崖縮腳種種
自欺去他古人遠之遠矣卓拄杖云有志

卷三
五

之士自知好惡

晚參師云明道者多行道者少大小祖師
話作兩極明而不能行明的事向那裏去
也諸人十二時中行的事作麼生良久云
達菴一水聲常住擁榻千峰勢欲翔

早參師云古者道莫被天下老和尚舌頭
瞞山僧道莫被天下善知識行履瞞祖師
門下客須確實爲生死口不嚼一粒米身
不挂一縷絲方可隨意穿衣喫飯眼中不
見一畫一豎耳中不聞一語一言方可隨
時寫字看書否則大事未明如喪考妣大
事已明如喪考妣如或生死心不切慎勿
出家縱出家慎勿來宗門何以故目下雖
未爲生死儻不輕易出家不輕易來宗門
尚知有出家事在尚知有宗門事在有等

造次出家來此宗門隨羣逐隊發意做工
夫如撞采的一般做幾時撞不著便一日
悠忽一日一時怠惰一時自己既然將謂
他人亦是如此謗大般若苦報無量有志
之士務須確實

晚參師云同居在此不論久參初學須各
各退步到真實不欺之地

晚參師云龍淵今冬與大眾約法三章第
一飲水不得打濕口第二喫飯不得敲著
米第三經行不得撞著露柱

元旦知浴領檀越請小參師云大眾知麼
汝等成佛以來已經無量阿僧祇劫舉足
下足其地堅固金剛所成上妙寶輪以爲
嚴飭寶池瓊閣奇樹珍禽樂具充溢無有
苦緣壽命無量光明無量法親無量如或

未知則不矜久脩不薄初學一念回光即
同諸聖若也根思遲鈍便請一念不生去
如或多知解多愚癡便請淨念相繼去但
辨肯心決不相瞞雖然如是且道善財入
樓閣門爲甚入已還閉所以道如來不出
世祖師不西來汝等成佛已經無量阿僧
祇劫

晚參師云昨夜行者逼大眾晚參山僧傳
語云大好月你諸人作麼生會僧云砍却
月中桂清光應更多卷三師云矢上加尖衆丈
六

立師云山僧自領三十棒

知浴古淵領海寧衆居士請解制紹興范
居士求釋憲同請小參問答畢師揮拂云
人人殊勝箇箇淨明似鳥行空而昧空如
魚在水而忘水無瑕翳中自生瑕翳無障

緣處自生障緣結空花於無明樹頭有何

實果撈水月於昏沉海上徒見勞心既能
物外逍遙必須真源頓達苟知空門皈向
定應覺性洞明覺性明真源達方知罪垢
本空而無罪不懺法道本超而無法不成

大衆我不輕於汝等汝等皆當作佛下座

七
小參師云昨日大衆晚參山僧道洗清昔
日擔泉處研出當年面壁巖汝諸大衆各
各領悟也否聞斯提舉若能正眼洞開則
忙閒動靜一語一默著著有出身之路用

得十二時不爲十二時用轉得一切物不

爲一切物轉攬長河爲酥酪變大地作黃
金供養大衆不爲分外如或不然二時粥
飯飯須彌山子唇齒之間太費支持七尺
形骸挂冰棱鐵甲俯仰之際大有不便卓

柱杖

結夏檀越請小參師云圓陀陀光爍爍淨
裸裸赤灑灑三頭六臂千手千眼而本無
一物純真一如無臭無聲而萬象縱橫閉
門打坐遍界不藏閑市橫身孤巍嚴密諸
作紛紜而非動一物不爲而非寂違之者

自暴求之者愈失千賢萬聖趨向無門千

佛萬祖退身有分師以拂子打一下云誰
參萬祖退身有分師以拂子打一下云誰
參勝熱婆羅門六月霜花凝枕席下座

晚參師云去聖時遙言高志下欲明格外
旨須盡域中情顧左右云大衆看脚下

晚參師云劫火洞然大千俱壞未審者箇
壞不壞壞恁麼則隨他去也隨他去大隨
恁麼答話有甚長處投子望山禮拜衆無
語師云古之學者爲已以竹籠拍香案便

歸寢室

晚參師云祖師時時在水桶上出現剛見人挑水走入水桶裏去也祖師時時在火燄上出現剛見人燒火走入火燄裏去也祖師時時在木魚上出現剛見人打木魚走入木魚裏去也祖師時時在鐘鼓上出現剛見人打鐘鼓走入鐘鼓裏去也良久云有人出來道和尚何得壓良爲賤山僧只要你恁麼道

小參師云理無事外之理事無理外之事理外之事則愚事外之理則狂狂則爲魔所攝愚則爲佛所悲寧爲佛悲莫爲魔攝大衆來此祖庭必須立深誓願正知正見正路修行庶幾同證圓滿菩提

晚參師云昔年大慧禪師因一禪子參公

案不透乞求方便慧云你是福建人我爲汝說箇譬喻如將名品荔枝皮也去了核也去了送在汝口邊只是汝不解喫師召衆云當初大慧爲此一人設個譬喻此人當下敲破舌頭山僧因衆參上樹公案重重相爲云緊夾藩籬寬關道如何衆中未見有脚頭點地的乃云但辨肯心必不相賺更與汝等一個安心丸子三文大光錢買得個油餐喫向肚裏了當下便不饑晚參師顧左右云今日晚參不許問話不問話者三十棒衆擬議卷三師云自從立雪人歸後幾片白雲護翠岑
結制古淵知浴領海寧衆檀越請小參問爐講大開不留鈍鐵金鎗揮擲萬竅通明還許學人立地成佛也無師云進前來喫

棒進云與麼則滾入紅爐大冶中直得通身無縫鑄師云許汝胆大問得祖宗之髓登祖宗之堂敢問和尚昔日僧問臨濟如何是奪人不奪境濟云煦日發生鋪地錦嬰兒垂髮白如絲爲甚本山中祖道錯師

云一對無孔鐵鎗進云與麼則二大老料揀一齊蒙和尚指示去也師云與汝六十棒問如何是法王正令師云千鈞之弩進

云與麼則人人沾恩個個得力師云已過居士問不侶萬法不取凡聖事如何師云佛子受佛戒即入諸佛位師乃云天目山下無寸土天目山頭無片雲脚跟蹠著寸土有寒暑今促君壽有鬼神今妒君福眼中見有片雲風力所轉終成敗壞且道住此天目山如何行履即得虛空拍手呵

呵笑報汝人人淨法身聞斯告報直下承當如來禪許汝會更須知有祖師禪始得且道如何是祖師禪蓦喝一喝隨聲以竹箋撫案一下

晚參師云祖師示現全身向汝諸人毛孔中念普字真言汝等盡見盡聞麼一僧喝師云胡喝亂喝乃云分明指出平川路却奈忠言逆耳何

除夕晚參師拈柱杖召衆云識得柱杖子麼一日不爲少千載不成多小則蟭螟眼裏橫眠大則乾坤西傾東闕出息不隨衆緣入息不居陰界試看先宗是何標格你有柱杖子與你柱杖子你無柱杖子奪你柱杖子

晚參師召大眾云莫瞌睡

石庭晚參師以杖指一碎石云者石版如何沒一些縫良久又指一完石云者石版若爲有許多縫一僧云謝師指示師便打乃云今時學者有兩種錯路一種錯路的

問著便道喚什麼作燈籠一種錯路的問著便道露柱沒一點縫是者兩般錯路便

掩蔽却人人本地風光若不蹋著本地風光終不能免此兩種錯路今日不惜眉毛說似諸人堅柱杖云山僧柱杖子有九千九百九十九隻眼顧眎左右云更有一隻不與你們說盡何故若教容易得便作等閒看

晚參師云吾觀大衆盡與佛祖無二無別但存人我自生間隔所以祖師示衆誦金剛般若經上根者一聞千悟後來祖師教

人參死了燒了話父母未生前話便是將一卷般若經括作一句教人持念汝諸大衆須在佛祖路上行方到佛祖田地若四相未空徒勞無益各宜珍重

晚參師云山僧說得一篇佛法懸在雨華橋上大衆各去看取良久云伯樂會三顧

千金誰解增贈君君不納完璧倚枯藤

晚參舉傅大士道空手把鋤頭步行騎水牛人從橋上過橋流水不流師云天目則不然生鐵打鋤頭披蓑收水牛人從橋上

過水流橋不流且道傅大士的是山僧的是良久云朝參暮請緣何事應須立透祖

師關

早參舉六祖云本來無一物長慶云萬象之中獨露身師云孫必類祖大衆會麼拈

柱杖旋風打散

晚參師云汝諸大眾多有廣遊人間世徧禮諸名山的多有參遍諸方父親知識的多有諸方許可記荅的我不問汝別樣佛法只有一句極平常最要緊的話問你且

道者一時香在什麼所在坐良久云衲僧在處如火消冰終不却成冰若道有香可坐有坐的人有坐的所在莫道你廣遊博禮叅方受記直饒你向世尊肚中轉一過來也只是箇能仁的矢橛各各自揣摩道

箇驚人句看顧視左右震威一喝

小參舉世尊九十日在忉利天爲母說法及辭天界下時四衆八部俱住空界迎有蓮華色比丘尼作念云我是尼身必居大僧後見佛不如用神力變作轉輪聖王千

子圍繞最初見佛果滿其願世尊纔見乃訶云蓮華色比丘尼汝何得越大僧見我汝雖見我色身且不見我法身須菩提巖中宴坐却見我法身師云大小世尊抑強爲劣山僧若見蓮華色比丘尼但云汝真能現大人相殷勤見我若須菩提巖中宴坐乃是閉門作活豈能見我全身薦拈柱杖云還有爲世尊作主的麼有則出來各出人一頭地卓柱杖云好手豈容無妙拍三臺須是大家推

卷三

十一

小參舉趙州問南泉知有的人向甚處去泉云山前檀越家作一頭水牯牛去師云長布新婦拖泥走州云謝師答話師云帆隨湘轉望衡九面泉云昨夜三更月到牕師云向上一路千聖不傳

晚參舉僧問趙州如何是佛州云殿裏的
師云古佛恁麼道可謂眼空四海

晚參師云解制來走動的走動各執少人
久住者未免辛苦汝諸大眾如何得不爲
境轉卷三十一一僧云心如木石師笑云說到行到
吾爲汝保住此事終不虛也

早參師云有一人日勤衆務一物不爲有
一人一物不爲日勤衆務且道那箇作家
一僧出師打退又一僧作禮師亦喝出師
廻云有叟情相似日香夜夜燈

晚參師云如淨琉璃內外明徹凡見道者
若身心世界果如淨琉璃內外明徹方是
真見本來面目的人不然徒自欺耳生死
到來悔將何及不見道吾心似燈籠點火
内外紅雖非依樣畫描却是一鼻出氣

晚參師云秋來好坐禪賢衲莫亂走各得
坐具地他年大開口且得地一句作麼生
道父母所生口終不爲人說

燈節知浴同王檀越請小參師云如淨琉璃
內外明徹光逾日月量裏太虛探之不
見其初邊之莫究其極山河大地即之靡
不消鎔明暗色空捨之無以建立神鬼不能
觀賢聖不能知潔之不新垢之不故蟻
動不減佛祖不增謂之爲微普天而地謂
之爲顯朕蹟不留指爲智珠闍然日著目
爲福嶽坦然日尊召大眾云我見燈明佛
本光瑞如此

戒私看文書晚參師云上三畫長下二畫
短天左旋地右轉日月照臨乎其上龍象
奔走乎其下高出無頂天深透香水海無

論智愚賢不肖識得者個字宣聖孟夫子拱手讚歎釋迦不在前彌勒不在後奔軼絕塵今之古之誰敢與偶好大哥直截根源尚迂曲尋枝摘葉復何如

小參問話畢師云一片清涼地安閒絕比倫往來及住衆舉步莫迷津衆久立師震威一喝下座

小參師云有一無事人終日忙鹿鹿有一精進漢長年訥且木如是二人中有一人堪與人爲師汝諸大衆出入好看良久云寂光真境何嘗遠同在琉璃國土行下座立春因事小參師云春風吹春雨潤忽地園林秀且媚無根樹子也開華試問禪家會不會顧左右云若也會得佛法叢林時時茂盛若也未會禪林秋晚卒風暴雨頗

多衆兄弟善自護持莫被風力所轉卓杖杖出堂

元宵小參師拈柱杖云衆兄弟一年又過了半個月矣流光易度幻質非堅生死到來如何抵敵聞恁麼道拽下地去痛打一頓方拂著某癢處然而實具個般手眼始

得若有一毫虛妄則某上座緩緩地走起來向你道個因見你眼目定動連棒打折你驟腰也未肯放在苟不自欺簡點眼光落地時未親見不變不遷無晦無明的真

面目生不知來處真個生大死不知去處卷三
十五真個死大把此生死大事切切在念參究一個無意味話頭孜孜不捨參而不透生死未了當入室中喫某上座痛棒參而透生死已了當入室中喫某上座痛棒爲甚

如此高擎柱杖云棒頭有眼明如日要識
真金火裏看拽杖出堂

小叅舉僧問睦州如何是急州云通你一
問進云如何是急中急州云朝向西瞿耶
尼暮向北鬱單越師云者老漢恁麼答話
非但頂門具金剛正眼抑且脚下有通天
活路然而說佛法各有時節因緣新報恩
則不然若有人問如何是急但向道近日
厨中少油沒醬更問如何是急中急但向
道錢糧既難處戶役更難何且道新報恩
恁麼答話與古人是同是別有知得落處
的出來道看顧左右云若知落處則便知
得大法的人無時無處不可扶堅佛祖綱
宗叢林富足也好叢林澹薄也好住現成
叢林有遺米遺銀也好住苦難叢林有遺

債遺累也好初復叢林要墾土掘地搬石
運木也好叢林完備安閒樂道也好若未
知落處便迺汨沒塵勞擾攘中住富足叢
林色色迥全前人有遺米遺銀也苦住苦
難叢林事事虧欠前人有遺債遺累也苦
衆兄弟大家在者裏擇老漢難擇之門行
老漢難行之事切須甘澹薄忘勞苦必要
究明大法一朝力竭工圓便見無油菜裏
也走出老漢來亂石堆裏也走出老漢來
土木堆裏也走出老漢來便見老漢說誠
實言向衆兄弟道正月廿二早某上座把
如來正法眼藏分明揭示大眾了也且道
如何是今早分明揭示的正法眼藏卓柱
杖云心不負人面無慚色

衆禮千佛懺小叅師云昨晚丈室坐久展

手剔燈忽見三千諸佛在指甲中揚聲大
叫小長老謂之曰你者等不情漢大衆連
夜在殿禮你何得隱在者裏亂叫喚諸佛
復高聲曰阿哪阿哪你還不知大衆道禮
我等懲罪誰知止增益罪過卷三小長老驚視

十六

之曰因甚如此諸佛曰你莫驚異試問禮

佛大衆還見我等是怎樣面孔是那樣身
相若總未見而云禮佛豈不造大妄語應
墮地獄佛語未竟護法韋馱尊神擎山持
杵從牕眼走入白諸佛曰諸佛世尊莫作
是說近有一等狂禪和開口便道無佛無
祖撥無因果招殃惹禍今佛更道禮佛者
增益罪過未免爲豁達空者張本永造無
間業去也諸佛曰咄我等各分身萬億在
一切人八萬四千毛孔中橫入豎出又豈

可道無佛若是解更入地獄如箭射兩
相理論不已小長老夜深欲睡鳴指一下
一齊逐退今日不可不對衆決斷召衆云
若道禮佛還曾見佛也未若道無佛可禮
如何說無佛的道理於此透去一任你道
有佛可禮也得無佛可禮也得小長老敢
保你禮佛諸佛不敢正眼視著說無佛諸
佛不敢正耳聽著不然盡是造大妄語當
墮地獄的漢子莫言無人說過驂拈杖云
者兩種人喫得痛棒皆可因邪打正更有
一等知有佛而甘心不見佛懶惰不禮佛
正如焦芽敗種那有喫棒分擲下柱杖
小參師拈柱杖云千日並炤那有一毫隱
晦處虛空通達那有一毫隔礙處某上座
在母腹中便轉大法輪出頭斯世阿誰謾

得到磬山見先師和尚亦有甚奇特處敢
誑謠人諸方珍重傳受辛苦叅討的五家
宗旨一齊勘破縱顛縱狂輕佛慢祖自號
無師子不意先師肯我是狂竟付生平不
輕付之拂子拜違荆谷掩室江干因蓉城
請先和尚先師不赴請寄書某上座言有
末後付囑某上座呵呵大笑因破關來見
先師義手問云狂兒國土父不容過者個
峯頭還是老漢住處麼先師云且站下脚
與你道某便掀倒香案而出先師高聲云

喝先師亦喝某復喝一喝轉身云不是狂
兒多意氣祇因曾透上頭關便出先師又
喝某亦喝遙聞維那重白椎某迺高聲云
歎死氣呀嗟乎仰山道的誰是知音先師
示寂便欲縛屋萬峯誰意有此不了公案
衆居士等堅請爲先師了卻某上座既到
者裏必欲衆兄弟洞明大法不向他人行
處行若不奮大人志氣不知道出常情向
瞎老禿口角邊覓涕唾喫聽他說黃道黑
只管記憶思惟日久月深多成異解或認
將柱杖來某遙聽得笑云劍去久矣室中
復理論多端一日先師上堂維那擬白椎
某便喝住云待我問了話白椎問云昔日
黃檗道大唐國裏無禪師如今大明國裏
還有麼先師拈柱杖作打勢去看棒某便

穿衣喫飯舉足動步的爲自性或以暫歇
塵勞爲究竟直饒得見法身竿頭進步那
邊會得者邊行履見與師齊減師半德要
卷三
十八

在你脚下且置是事。昔日白雲端禪師已
肯五祖演悟處迺未幾時忽語之曰：「有數
禪客自廬山來皆有悟入處。」教伊說亦說
得有來繇舉因緣問伊，亦明得教。伊下語
亦下得祇是未在祖。於是大疑，私自計曰：

卷三

十九

既悟了說亦說得明，亦明得如何？卻未在
遂參究累日忽然省悟。從前寶惜一時放下
走見白雲，雲爲手舞足蹈。祖亦一笑而
已。如今妄爲師範的老禿奴還有個般手
眼，鍛鍊人麼！奔南走北漫稱參學的無慚。

僧禮拜師連棒打云：「切忌謗我。」迺顧左右
云：「纔見某上座欲提持此事，便推翻香案，
拗折柱杖，令某上座無開口處。」猶較些子。
若如此總受人謾了也，更討甚麼盜拽杖？

歸方丈

愧漢還受得明眼作家，如是鉗錘麼？若不
識古人者，個作畧，則馬祖喝黃檗棒與化
罰。擯一槩，意思閒放過。爲師者見人畧有
些見處，便與他一個冬瓜印子。學者無大
人志氣，要人許可，便入邪師圈縛。豈不大

小參。師拈柱杖云：「千鈞之弩，不爲鼷鼠發
機。」萬丈之絲，纔爲鯨鯢。設釣有麼良久，云
：「大丈夫莫自遲疑，莫自間隔。似鳥飛空，何
東何西，而不空？如魚在水，何順何逆，而非
水？某上座者裏，並無實法，與人亦無定法。」

限人不起期結制畫地爲牢不做樣粧模
詭譎愚瞽行的一任行坐的一任坐某上
座敢保諸人坐也釋迦彌勒左右侍立行
也飲光達磨前後追隨無人無時不向毘
盧頂上行有甚禪可參有甚道可學祇是
諸人亦有自己放不過的還知病根在甚
處麼豎柱杖云人既自放不過柱杖子亦
不放過看取打草驚蛇舉僧問乾峯十方
薄伽梵一路涅槃門未審路頭在甚麼處
峯以柱杖畫一畫云在者裏僧又問雲門
門迺拈起扇子云扇子跨跳上三十三天
築著帝釋鼻孔東海鯉魚打一棒兩似盆
傾師云者則因緣議論的類牛毛判斷的
同免角某上座不怕諸方簡點分明判斷
去也者僧終日長安更向旁人問路所謂

卷三

二十一

道在邇而求諸遠事在易而求諸難忒殺
癡狂那堪乾峯雲門不與本分草料雖各
是一等爲人未免轉轉鈍置若報恩門下
有人出來問十方薄伽梵一路涅槃門未
審路頭在甚麼處便劈脊打出或其忽爾
瞥地自合知羞慕喝一喝以柱杖拍香案
一下歸方丈

懸板小參師云虛空雖久此板彌堅天地
雖弘此板彌大徧法界無內無外亘古今
不變不遷晝夜六時出微妙音成殊勝事

卷三

五

聲者聆之耳根圓聞瞽者睹之目根圓見
病者繇之得瘥苦者繇之停酸一切縛著
者莫不繇之解脫然而全憑有福慧人一
念信心一念肯心彰著如是不思議事當
知錢居士鑄此報恩禪寺香積堂大板頃

令十方世界齊成大板恒沙佛土舉凡香
積堂大板一時成就新報恩擊此大板而
此板無刻無地不鳴如斯見徹方顯我宗
檀越迥異尋常我宗真個道出常情不同
流俗見解不是粥飯師僧且道既是十方
世界都成大板喚甚作十方世界既是十
方世界又如何說個都成大板的道理到
者裏須是舉一明三目機銖兩所以道事
是過量事人須過量人但得過量人自明
過量事鳴板云知音不用頻頻舉識者應
知暗點頭

懸鐘板小參師指鐘板云倩二上座爲大
衆早晚發機普願若遠若近見者聞者同
露柱知音共槩盤唱和喝一喝休去
早參師云臨濟大師道有時奪人不奪境

有時奪境不奪人有時人境兩俱奪有時
人境俱不奪今時學者大法不明開眼作
夢一味依樣畫貓何異韓盧逐塊召衆云
切莫見說奪人不奪境但向境上粧點兩
句見說奪境不奪人但向人上粧點兩句
要明濟上綱宗須識取有時二字始得有
時奪人不奪境你作麼生領覽有時奪境
不奪人你作麼生擔承有時人境兩俱奪
你作麼生當抵有時人境俱不奪你作麼
生步趨山僧不惜眉毛更爲諸人頌出奪
人不奪境滿栽華柳風醉遊人疎影橫斜
逋客獨醒奪境不奪人脫帽忘鋤羅敷有
夫五馬踟躇使君何愚人境俱奪破楚鞭
屍逆行倒施我必復之秦爲出師人境俱
不奪桃華夾岸雞黍延賓洞口逕窄人誰

問津顧左右云久立珍重

晚參師云僧問趙州如何是不蹉路州云
識心見性是不蹉路師左右顧視云心作
麼生識性作麼生見良久拈柱杖云敢來
者裏瞌睡旋風打散

小叅師云昔日香嚴禪師垂語云若論此

卷三

主

事如人上樹口銜樹枝脚不蹋枝手不攀
枝樹下忽有人問如何是祖師西來意不
對他又違他所問若對他又喪身失命當
恁麼時作麼生即得如今人盡道達磨大
師無當門齒殊不知香嚴老子倍甚有人
識得先聖赤心片片山僧當將山河大地
捏作一個大饅頭以爲供養高聲召大眾
慕歸方丈

晚參師云昔日達磨大師到東土來指示

人云心如牆壁可以入道如今許多大眾
在者裏有幾個心如牆壁的如何得入道
若有透得過的出來與柱杖子相見我也
不敢鈍置你若透不過也不得孤負達磨
大師來者一番良久師云久立珍重

長至日舉勇首座立僧小叅師迺云如何
是正法眼破砂盆只者一轉語三玄五位
縱橫父子體用殊特目前包裹天長地久
日月齊明一鎔破三闕雲從龍風從虎恁
麼會得可與建法幢立宗旨然而未明向
上一竅在且道如何是向上一竅問取堂
中首座勇

小叅師拍香案云山僧等聞一拍山河大
地明暗色空情與無情一時百雜碎祇有
一個頑禪和打不死無如之何衆中有高

明的出來爲我設個方便拈柱杖云木上座出來道某甲有個方便罰他向飯籬邊餓死大海裏渴死師呵呵大笑云上座你者樣說話慈悲耶惡毒耶擲柱杖云從教彼禪和自己簡點

元旦小叅問證得虛空時無是無非法請問虛空作麼生證師云梅清滿谷問新年頭佛法古人道有道無和尚者裏又如何師云前谿水急後嶺風高師迺云昨日法座已爲諸人說法了也諸人還信得及麼若信得及則普天同慶若信不及未免堆華錦上起身云新春兩序頭首合寺大衆起居萬福

晦日晚參師顧左右云三冬一月去水牯尚賴預坐香人臥睡露柱腿生酸諸上座

好生觀青山跨跳谿聲住柴牀木枕語喃

喃

望日早叅師云禪林秋晚學道之士貴乎一切真實纔爲生死不爭人我是發心真實切問近思不學虛頭是叅問真實一一

從胸襟流出蓋天蓋地是驟唱真實好賢樂善成人道業是領衆真實省虛文務誠敬是禮貌真實誠浮華崇節儉是日用真實遠奸佞近仁厚是交接真實明因果識罪福去害除獎是任事真實甘澹泊恥謀

卷三

二十四

求是家風真實更有一處真實一發與諸人道破大抵還他肌骨好不搽紅粉也風

流

舉森首座立僧小叅師拈柱杖云山僧有時一句子在諸人日用中諸人若向日用

處會未免觸途成滯山僧有時一句子無
你諸人用心處諸人若向無用心處會未
免當面蹉郤山僧有時一句子八角磨盤
空裏走諸人若作八角磨盤空裏走會轉
見白雲萬里所以道一句中具三玄一玄
卷二
中具三要有權有實有炤有用千日並炤
不足喻其明千雷並吼不足喻其威第一
句中薦得方可與佛祖爲師且道如何是
第一句卓柱杖云問取堂中森首座
晚參師云今時學者每易自足少有久長
親師擇友的即親近人亦少朝參暮究日
臻玄奧的自足之患最爲法門大禍山僧
午夜時零風穴之淚惟恐穿鑿顚頽順朱
墳墨三種弊病復見於將來佛祖大法真
有緣懸九鼎之危此間兄弟深造極諳者

亦豈能多得然耐長忍苦未嘗無人祗如
臨濟大師道大凡演唱宗乘一句須具三
玄門一玄門須具三要有權有實有炤有
用汝等作麼生會還有人看破臨濟大師
也未聽取山僧頌出舉尾知頭南泉趙州
月來昨夜去矣君候敲空作響遐哉爲仰
不負耽源燒郤圓相回互不互石頭滑路
弗會佛法東西密付人來面壁手眼通身
高山流水別有知音輒出木球爍破髑髏
收來舊處把櫓看鉤吸盡西江全生全殺
奔逸絕塵鞭影一蹕直饒山僧恁麼道要
夢見臨濟大師汗臭氣也未在慕卓柱杖
喝一喝

晚參問世尊拈華迦葉微笑笑個甚麼師
云敵人矢極不是好狗師迺云盡十虛渾

成一塊頑鐵多少人自生穿鑿自生喫跌
屈千里郤同風對面不相識

解冬小叅問答不錄師迺云盡大地撮來
粟米大不會打入普請看古人恁麼道如
將百二十斤擔子加在諸人肩上若是承
當得的各各安家樂業如或未然一任東

觸西觸

檀越請小叅問共聞無量壽佛名未審無
量壽佛在何處安身立命師云塔下五湖
源師拈柱杖云濶濶秋空遠海山鷗峙青
裏糧明祖意拈出萬年藤卓柱杖喝一喝

下座

冬至晚叅師云學道者學至無可學說法
者說至無可說何故學道者求了生死
殊不知本無生死了甚生死若言有道可

卷三

二十六

學有生死可了斯人未在說法者因人迷
妄孰有生死爲說悟法示了生死殊不知
本無迷悟何法可說若言有法可說有生
可利斯人未在雖然如是直饒山僧恁麼
道合喫三十柱杖汝等諸人上來下去好
不丈夫以柱杖旋風打散

晚叅師云拈華微笑肇祖開宗數千年來
源深流遠青出於藍代不乏人或拈或頌
或抑或揚日月光天德山河著地靈殊不
知清光萬古穿鑿浮雲讚歎也讚歎不及

卷三

王七

評論也評論不及抑之如打水平江揚之
如負土足嶽師迺暨拂召衆云大眾道看
良久云一絲寒撤千江外漠漠魚龍動地
雷

元旦小叅師云雲鋤雪築冰卧風餐忙忙

百十僧個個無一事壬辰正月一山僧普爲大眾一切授記長者長法身短者短法身佛子住此地則是佛受用經行及坐卧常在於其中

結制小叅師云十方無壁四面無門一念萬年古今不異有甚堂內堂外說甚結制解制諸禪客丘壑人須自有一盂靜撥煙霞晚參舉趙州勘婆話師云僧問臺山路如何云驀直去僧便去如何云好個師僧又恁麼去也前來師僧也恁麼後來趙州也恁麼那裏是看破處一僧作禮云打鼓普請看師云龕洞禪和如麻似粟一僧云昨日晴今日雨師云三十棒且待別時一僧云車不橫推理無曲斷師云多少人恁麼

道打出去也師迺云聽取山僧重說頌言十五日前用錐便十五日後用鉤捷正當十五日鉤錐一齊歇一個失錢遭罪一個弄巧成拙是他過量人荒草深深入

晚參衆問話畢師良久顧左右云南閻浮提石頭大的大成佛小的小成佛汝等諸人爲甚在此粧村以柱杖旋風打散

解制小叅知浴問今日小叅事如何師云念汝辛勤進云某甲一口吞盡山河大地諸佛還有站身處也無師云恁麼施主得安樂師迺云道人降世無非與人作同事攝麤衣蔽體攜食充饑此外復有何事毫釐繫念三塗業因瞥爾情生萬劫羈鎖如人飲水冷煖自知前日同衆坐三因僧舉鶯飛戾天魚躍於淵山僧徵云作麼生說

察的道理如今有人下得語麼衆答話畢

師云山僧自道取黑

住細谿扣冰小參師拈柱杖云百草頭釋

迦努目闇市裏彌勒攢眉三家邨裏廖胡子惡發衝破三十三天琉璃殿角壓碎南

海波斯大拇指且道什麼人解救得良久

卓柱杖云參

晚參師云昨日齋主請小參山僧云端坐受供養施主常安樂大眾還會麼若也會得十方薄伽梵一路涅槃門釋迦不在前彌勒不在後如或未然喫水防噎喫醬防渴

草菴晚參師高聲召大眾衆無語師乃云點即不到衆僧競出問話師左右顧視云入戶已知來見解何須更舉櫟中泥拈杖

打散

江上鼓山菴小參師云今時人學道如在洪波大海中中有吞舟之魚旁有羅刹鬼國岸有因人修羅天際真人遺下鐵葉方寸許有智之士穩坐飛渡始得如或捕影撈空難免羅刹鬼國等難古德云禪乃無文字之教教乃有文字之禪端能明教定許會禪若不會禪焉能明教何以言之教乃佛語禪乃佛心不明佛心而會佛語有是理乎祇如圓覺經云居一切時不起妄念於諸妄心亦不息滅住妄想境不加了知於無了知不辯真實如今人於此等言句容易看得過殊不知醍醐毒藥毫釐有差天地懸隔未入道者居一切時如何不起妄念既不起妄念如何於諸妄心亦不

息滅此如茫茫大海中渾無著落者是也

有等一知半解得少爲足者便道逢飯喫

飯要困便困淫坊酒肆不礙菩提逆行順

行一切不管所謂豁達空撥因果莽莽蕩
蕩招殃禍此如不墮吞舟之腹即墮羅刹

修羅之手山僧不惜眉毛爲人頌出竹露

團光漾碧湍幽人琴罷倚闌干隔溪風轉

苕花白對對青蟲撲水寒

晚參師云天氣漸寒與大衆每人一箇大

火爐還各各受用得著麼良久云莫將閑

意解埋沒祖師心

晚參師云汝等諸人莫好高務奇莫趨難

行儉但把身心世界一齊放却正恁麼時

看是甚麼境界驀喝一喝云道明上座騎

大庾嶺向諸人八萬四千毛孔中橫入豎

出見有多人不薦却向曹谿禮拜六祖大
師全身去也

晚參師云看看山僧一口吞却諸上座了
也諸上座還聞得山僧矢臭氣麼良久驀
掩郤室門

丙申佛誕小參師拈拄杖云三年不事事

強起答羣賢未了先師案塔根卧冷煙衆

問話畢師云告汝大衆同此荒寒岑寂參

禪莫作參禪會行行莫作行行會行行若

作行行會未免隨邪遂惡觸途成滯參禪

若作參禪會未免眼中著釘面門塗炭直

饒雲門道釋迦老子初生一手指天一手

指地邇行七步目顧四方云天上天下唯

吾獨尊山僧若見一棒打殺與狗子喫貴

圖天下太平切忌承虛接響何故我王庫

內無如是刀高聲召云大眾驀卓拄杖一

時打散

結制夜小叅師云告汝內外大眾普請無動無靜絕情絕解各各圓證自己本來面目從上佛祖是汝兒孫三乘十二分教是

甚拭不淨紙自是不歸歸使得故園風月

有誰爭

晚叅師云古德見人入門便棒我者裏爲甚麼容許多人住衆無語師驀喝一喝云把住直教龍象畏放行且與鳥禽閒

晚叅師拈拄杖云汝諸大眾各住不思議之地爲甚自討許多生受不能得大解脫衆擬議師震威一喝云散去

晚叅師云一日三餐把施主好茶飯盡成渣滓一月六叅師把先宗標格盡成世諦流

布蒼天蒼天

晚叅師云趙州老漢面目現在且道作麼生與他相見驟喝一喝乃云聽取重說頌言道有道無心甜口苦告汝諸人莫莽鹵仔細隈防大雄山下虎

歸報恩晚叅師云有人走到拄杖子下來不與他拄杖子喫有人迴避拄杖子卻與他拄杖喫且道喫拄杖子的是不喫拄杖子的是後堂云知音不必頻頻舉達者須知暗點頭師休去

檀越請小叅問答畢師卓拄杖云大眾會麼若會則靈山一會儼然未散如或不然則金剛圈栗棘蓬作麼生吞作麼生透舉拄杖云看看汾陽祖師來也一句明明該萬象重陽九日菊花新擲拄杖喝一喝下

座

檀越請小參問答畢師拈拄杖云學般若
菩薩須識取真子真孫識得真子孫便識
得真父母識得真父母便識得真自己識
得真自己方知無死無生無聚無散無苦
無樂方知本無自己本無父母本無子孫
本無天地本無萬物本無佛祖本無衆生
不妨於此中示有佛祖示有衆生示有天
地示有萬物示有自己示有父母示有子
孫示有生死示有聚散示有苦樂方知示
有苦樂本無苦樂示有聚散本無聚散示
有生死本無生死示有自己本無自己示
有父母本無父母示有子孫本無子孫示
有萬物本無萬物示有天地本無天地示
有衆生本無衆生示有佛祖本無佛祖夫

卷三

三十二

是之謂真佛祖夫是之謂真自己夫是之
謂真父母夫是之謂真子孫豎拄杖云以
此舉揚般若之力回向法界有情齊圓種
智卓拄杖喝一喝下座

開山老和尚忌日早參師云清淨法身本
無出沒大悲願力示有去來古人恁麼道
山僧則不然大悲願力本無去來清淨法
身示有出沒

初八晚請小參師云彌勒真彌勒分身千
百億時時示時人時人自不識現前諸賢
還識得大肚皮老漢卷三若識得布施一句
子與大眾結緣如無人道山僧自道去也
中旭上座到處作齋不曾供養一人山中
大眾兩度喫饅頭不曾咬著一些麪師復
云結制在邇更有一事白汝大眾本山半

月半月誓神務在清衆同居各須戒行清
楚因果分明若或未然未結制前速自起
單鷄磨證戒非同兒戲

丙申冬過大雄晚參師幕喝一喝衆禮拜
師云半得半失

師歸報恩檀越請小參師云祖師西來別
無奇特祇要當人信得自己是佛見自本
來面目祖師門下客若不離心意識絕聖
凡路如何得見本來面目所以祖師又示

人向未生前薦取堪笑堪嗟十箇五雙口

說未生前祇向生後着倒上等外道以了
不可得爲究竟無面目爲真面目此在生
後着倒了也下等外道以運轉施爲爲本
來面目此在生後着倒了也中等外道以
覓時則無用時則有爲本來面目此在生

後着倒了也不見臺山婆子他雖是箇婦
人宛有丈夫之作僧問臺山路向甚處去
婆云幕直去僧便去婆云好箇師僧又恁
麼去也趙州老漢不肯孤負他謂衆云臺
山婆子我與汝勘破了也此如千年古鏡
經磨而愈見光明百鍊精金遇煥而彌呈
光彩多少隨邪逐惡依語生解者胡拈妄
舉還知錯下一轉語墮五百生野狐身麼
所以道識法者懼

晚參師云僧問雲門一念不生還有過也

無門云須彌山大衆還知好惡麼後來雪
三寶顯禪師問智門云一念不生爲甚麼有
過門召近前寶近前門便打寶擬開口門
又打大衆還知棒頭落處麼良久云龍躍
桃花浪癡人臥夜塘

晚參師顧視左右云大家在者裏各各不得自暴自棄良久云看脚下

大覺普濟能仁玉琳琇國師語錄卷第三

音釋

闡 五禁切 胡孔切 洪
琛 去聲 上聲 水銀
郎 古切 音魯莽 范上聲
齒 輕脫苟且也 虛 故切 呼去
器